

## ხელშეკრულება №170-ბ/16

(საბიუჯეტო სახსრები, რეაბილიტაცია)

ქ. თბილისი

“9” დეკემბერი 2016 წ.

ჩვენ, ქვემოთ ხელის მომწერი, ერთის მხრივ, შპს „საქართველოს მელიორაცია“, (შემდგომში - შემსყიდველი ორგანიზაცია), წარმოდგენილი კომპანიის გენერალური დირექტორის ლევან დვალის სახით და მეორეს მხრივ, შპს „ინგი-77“ (შემდგომში - მიმწოდებელი), წარმოდგენილი კომპანიის დირექტორის შავლეგი ჩაგინავას სახით, ვხელმძღვანელობთ რა საქართველოში მოქმედი კანონმდებლობით, საქართველოს მთავრობის 2016 წლის 11 თებერვლის N216 განკარგულებით გამოყოფილი ასიგნების ფარგლებში, „სახელმწიფო შესყიდვების შესახებ“ მე-3 მუხლის პირველი პუნქტის „ს“ ქვეპუნქტისა და შ-14711 და შ-15303 მოხსენებითი ბარათების საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

### I. ხელშეკრულების საგანი

- 1.1 ხელშეკრულების საგანია (შემდგომში - შესყიდვის ობიექტი) საქონლის შესაფუთი პაკეტების შესყიდვა დანართი №1-ში მოცემული კონკრეტული სახეობის, მახასიათებლის, რაოდენობის და CPV კოდის შესაბამისად. (დანართი №1 თან ერთვის აღნიშნულ ხელშეკრულებას და ითვლება მის განუყოფელ ნაწილად).

### II. შესყიდვის ობიექტის ღირებულება

- 2.1 შესყიდვის ობიექტის საერთო ღირებულება შეადგენს 92.00 (ოთხმოცდათორმეტი ლარი და 00 თეთრი) ლარს, საქართველოს მოქმედი კანონმდებლობით დადგენილი გადასახადების გათვალისწინებით.
- 2.2 შესყიდვის ობიექტის ერთეულის ფასები მოცემულია №1 დანართში.

### III. შესყიდვის ობიექტის მიწოდების ვადები და ადგილი

- 3.1 საქონლის მიწოდება განხორციელდება ხელშეკრულების გაფორმებიდან არაუგვიანეს 2016 წლის 31 დეკემბრისა.
- 3.2 შესყიდვის ობიექტის ტრანსპორტირებას უზრუნველყოფს შემსყიდველი მიმწოდებლის მისამართიდან: ქ.თბილისი, სტანისლავსკის ქ.#5.

### IV. შესყიდვის ობიექტის მიღება-ჩაბარების წესი

- 4.1 შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.
- 4.2 4.1 პუნქტით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს შპს „საქართველოს მელიორაციის“ ლოჯისტიკის სამსახურის თანამშრომელი.

### V. ანგარიშსწორების ფორმა, ვადა და ადგილი

- 5.1 მიმწოდებელთან ანგარიშსწორება განხორციელდება ლარებში.
- 5.2 მიმწოდებელს შესყიდვის ობიექტის ღირებულება აუნაზღაურდება უნაზღაურობით, საქონლის მიწოდების შემდეგ გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახადო დოკუმენტების წარმოდგენიდან 10 (ათი) სამუშაო დღის განმავლობაში, რომლის ანგარიშსწორებაც მოხდება საქართველოს მთავრობის 2016 წლის 11 თებერვლის N216 განკარგულებით გამოყოფილი ასიგნებების ფარგლებში.
- 5.3 5.2 პუნქტის შესრულებისთვის წარმოდგენილი დოკუმენტაციის სისრულეზე და რეალობაზე პასუხისმგებელია 4.2 პუნქტის მიხედვით მიღება-ჩაბარების აქტზე ხელმომწერი პირ(ებ)ი.

### VI. მხარეთა უფლება-მოვალეობანი

- 6.1 შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2 შემსყიდველი ორგანიზაცია ვალდებულია:
  - ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 6.3 შემსყიდველ ორგანიზაციას უფლება აქვს:
  - განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;



- მოსთხოვოს მიმწოდებელს მიწოდებული შესყიდვის ობიექტის კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
- საკუთარი ხარჯებით უზრუნველყოს შესყიდვის ობიექტის კონტროლის შედეგად გამოვლენილი დეფექტების აღმოფხვრა;
- დაიცვას ხელშეკრულებით გათვალისწინებული ყველა პირობა.

6.5. მიმწოდებელს უფლება აქვს:

- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

#### **VII. გარანტია და ხელშეკრულების პირობების შესრულების კონტროლი**

- 7.1. მიმწოდებელი იძლევა გარანტიას, რომ მის მიერ მიწოდებული საქონელი იქნება ახალი, ქარხნული წარმოების, არ იქნება დაზიანებული (არ გამოავლენს ხარვეზებს) და იქნება მოხმარებისთვის ვარგისი. ასევე შესაბამისობაში იქნება ხელშეკრულების დანართი N1-ით განსაზღვრულ მოთხოვნებთან, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს ნებისმიერი ხარვეზის (დეფექტის) მქონე, ასევე დაზიანებული ან/და წუნდებული საქონლის შეცვლა ახლით შეტყობინების მიღებიდან არაუმეტეს 2 (ორი) სამუშაო დღის განმავლობაში.
- 7.2. შემსყიდველს უფლება აქვს განაცხადოს უარი უხარისხო საქონლის მიღებაზე.
- 7.3. ხელშეკრულების პირობების შესრულებაზე, ასევე მოსაწოდებელი საქონლის ხელშეკრულების პირობებთან შესაბამისობაზე კონტროლს განახორციელებს შპს „საქართველოს მელიორაციის“ ლოჯისტიკის სამსახურის თანამშრომელი.

#### **VIII. მხარეთა პასუხისმგებლობა ხელშეკრულების პირობების დარღვევისას**

- 8.1. შემსყიდველი უფლებამოსილია ამ ხელშეკრულების 3.1 პუნქტით გათვალისწინებული მიწოდების ვადების გადაცილების შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 5 %-ის ოდენობით;
- 8.2. შემსყიდველი უფლებამოსილია ამ ხელშეკრულების 7.1 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 5 %-ის ოდენობით;
- 8.3. მიმწოდებელი უფლებამოსილია ამ ხელშეკრულების 5.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხელო ყოველ ვადაგადაცილებულ დღეზე მოცემულ მომენტში გადასარიცხი თანხის 5 %-ის ოდენობით;
- 8.4. იმ შემთხვევაში თუ ხელშეკრულების 8.1. პუნქტით გათვალისწინებული პირგასამტეხელოს რაოდენობა მიაღწევს მთლიანი სახელშეკრულებო ღირებულების 50%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

#### **IX. ფორს-მაჟორული სიტუაციები**

- 9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევის შესაბამისი დროით, ხელისშემშლელ გარემოებათა აღმოფხვრის შემდეგ.
- 9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.
- 9.3. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

#### **X ხელშეკრულების პირობების გადასინჯვა**

- 10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.



2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

**XI. ხელშეკრულების მოქმედების ვადა**

11.1. წინამდებარე ხელშეკრულება ძალაში შედის ხელმოწერისთანავე და მოქმედებს 2017 წლის 31 იანვრის ჩათვლით.

**XII. დავა და მისი გადაწყვეტის წესი**

12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.  
12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

**XIII. სხვა პირობები**

13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.  
13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.  
13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.  
13.4. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.  
13.5. ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (2 ეგზემპლარი შემსყიდველთან, 1 ეგზემპლარი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

**XIV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი**

„შემსყიდველი“  
შ.პ.ს „საქართველოს მელიორაცია“  
საიდენტიფიკაციო კოდი 204524568  
მისამართი ქ. თბილისი, მარშალ გელოვანის გამზ. N6  
ს/ს საქართველოს ბანკი  
ბანკის კოდი: BAGAGE22  
ა/ა: GE58BG000000182323100

„მიმწოდებელი“  
შ.პ.ს. „ინგი-77“  
საიდენტიფიკაციო კოდი 206345748  
მისამართი ქ. თბილისი, ისნის რ-ნი, ვარკეთილი, III მასივი, ზ/პლატო კორპ.40, ბ.6 ფაქტ. (თბილისი, სტანისლავსკის 5) ს/ს „პროკრედიტ ბანკი“  
ბანკის კოდი: MIBGGE22  
ა/ა: GE53PC0133600100052140

გენერალური დირექტორი:  
ლევან დვალა



დირექტორი:  
შაველი ჩაგინავა



2016 წლის 9 დეკემბრის

N170-ბ/16 ხელშეკრულების

დანართი N1

საქონლის დასახელება	CPV კოდი	რაოდენობა	ერთ. ფასი	საერთო ფასი
საქონლის შესაფუთი პაკეტი (სქელკედლიანი ცელოფანი კვანძების შესაფუთად)	CPV-18937100	46 მ <sup>2</sup>	2.00	92.00
ჯამი:				92.00 ლარი

„შემსყიდველი“  
შ.პ.ს „საქართველოს მელიორაცია“

  
გენერალური დირექტორი:  
ლევან დვალიძე



„მიმწოდებელი“  
შ.პ.ს „ინგი-77“

დირექტორი:  
შაველვა ჩაგინავა

